

آبونه شرايطي

ممالك عثمانيه ده سنه لکي (۶۵)، آلتی
آيلغی (۳۵) غروشدر .
ممالك اجنبيه ده سنه لکي (۱۷)، آلتی
آيلغی (۹) فرانقدر .

اداره خانه

باب عالی جاده سنده دائره مخصوصه

اظہارات

آبونه بدلی پشیندر .

مسلكه موافق آثار مع المنونيه قبول
اولنور . درج ایدلمین یازیلر اعاده
اولونماز .

الکتاب

سیر ()

دینی ، فلسفی ، علمی ، ادبی هفته لاق مجموعه اسلامیه در .

صاحب و مدیر مسئول

باش محرر

والله یهدی من یشاء الی صراط مستقیم

اشرف ارباب

محمد عاکف

اتبعون اهدکم سبیل الرشاد

خلدار ایتدیکی ایچون قتل ایدیلیر. ایشته بو خلیفه یه رسول اللهک جانب باریدن کتیرمش اولدینی شریعتی اقامه ایتدی اعتباریه و خلیفه رسول الله « اطلاق صحیح اولدینی کی؛ دین الهی بی اقامه ایتکده و خاتی اللهک او امرینه امتثال ، نواهیستندن اجتنابه سوق ایتکده اولسی اعتباریلده « خلیفه الله » اطلاق صحیح اولور .

خلیفه اول ابوبکر الصدیق رضی الله عنه حضرت لرینک دورهایو- نرندن عباسیلرک انقراضنه قدر عالم اسلامده حال بو صورتله جریان ایتشدی. اوندن سوکرا عالم اسلام آرمسندنه بالفعل موجود اولان وحدت سیاست چوزولدی. برچوق طائفه لر میدان چیقهرق هرری آری بر رئیس ایله اداره ایدیلده باشلادی. ملوک و سلاطین چوغالیدی. بو حال دولت عثمانیه نك ظهورینه قدر دوام ایتدی . دولت عثمانیه نك ظهورندن بر مدت سوکرا سلطان سلیم اول عباسیلرک صوک خلیفه سی اولان « المتوکل علی الله » دن خلافتی ایستهدی. المتوکل ده سلیم اولده خلافت ایچون لیاقت کامله کوردیکندن طولانی کمال ممنونیت و رضای قلب ایله ویردی . بونک اوزرینه عالم اسلام خلافتک اطرافنده تکرار برلشمه یه باشلادی . آل عثمانک خلافتی شرقده ، غربده بوتون مسلمانلر طرفندن قبول ایدیلدی . تونس ، جزائر ، طرابلس ، مصر ، سودان ، حجاز ، عراق ، جزیره العرب ... کاملاً و بالفعل دولت خلافتنه انضمام ایتدی .

لکن جداً شایان اسفندرکه عالم اسلام اجزای مرکبه سی طویلابوب جمعیتی تحکیم ایدرکن ایجابات دینه سی کاهی حقها کوزه تمندی . سلفک تاریخ مفاخرینی نظر عبرتی اوکنده بولوندرمدی . علومنی ، معارفنی ، قوای مادیه و معنویه سی ازوب بیتیرن ، اک قیمتلی رجالی آلدن آلان ، کندیسنی سیل حقدن کربوه ضلاله سوروکلین مصیبت سابقه دن عبرت آلمادی .

ایشته ، ای میستر جورج ، مسلمانلرک بو غفلتی درکه کرک سزه ، کرک وحشی متفکر کزه عالم اسلامک سینهنه صوقولمق ، برچوق عناصر اسلامیه نی حبله لرله ، خدعه لرله اسارت آلتنه آلمق فرصتی احضار ایتشدیر . لکن ایجه بیلمش اولو کزکه بو کون عالم اسلام شیمدی یه قدر بیلمش اولدیغکزه حالده دکلدیر . بیچاره نك باشنه یاغدیددیغکزه طوفان مصائب اوننی ایجه تربیه ایتدی . کندیسنه قارشى بسله مکده اولدیغکزه مقاصد لئمه کزه ، نظرنده تمامیه تجلی ایلدی . آکلادی که سزلر اوننی محو ایتک ، دینی چیکنه مک ، نظرنده روابطک المقدسی اولان رابطه کبرای خلافتی بر یوزندن قالدیرمق و بو صورتله بر درلو طویمق بیلمه ین احتراصات ملمونه کزه آلایلدیکنه رواج ویره رک اسارتکزه آلتنده بولونانلری بوسبتون بتیرمک ، هنوز استقلاللرینی محافظه ایدمیلنلری ایسه اسارتکزه آلتنه آلمق ، الحاصل اوج یوز الی میلیونق برجه سان بشریته تاریخ صحیفه لرندن باشقه بر بر اقامق ایسته یورسکزه . کذلک بیلمش اولکزه که شرقده ، غربده هیچ بر مسلمان قلمادی که آل عثمانک خلافتنی طایمیش و اوکا کمال اخلاص ایله

التحاقه جانبیه ، مالیه مشتاق اولماش اولسون . بناء علیه مسلمانلری بودرجه یه قدر تحقیره قالدیشما کزه ، خلافت مقدسه یه تعرضده بولونمه کزه ، عالم اسلامک بو قدر فدا کارانه مدافعه ایتکده اولدینی حقوقی کاه بویله پریشان افاده لرله قوللا ، کاه حسین کامل کی بر خانی سلطان اعلانی صورتیه فعلاً چیکنه مه یه قالدیشما کزه هذیانک منهناسیدر . ده اطوغرودی سیاستده شاشقینلقدیر . زیرا بوکی حرکتلرمت اسلامیه نك عیون ایتباهنی برقات دها آچیور . سزک مقاصد ملمونه کزی ، نفاقکزی مسلمانلر حقدنه قوللا ندیغکزه ریا کارانه لسانلرک ماهیت حقیقیه سی اولانجه وضوحیه کوسرتیور . و اذا اراد الله بقوم سوء فلا مردله = الله بر قومک بلاسی مراد بویورورسه قور تولوش بو قدر . ایشته سزکده اضمحلال کزه اراده الهیه تعلق ایتشدیر . چوق زمانلر دنیایی قیردیکنه ، ازدیکزه . لکن نهایت انتقام کونی کلدی . سزک ایچوز حاضر لانان فلا کتدن قور توله نك امکانی یوقدر . منتقم جبار ظالملرک جزاسنی امهال ایدر ، لکن هیچ بر زمان امهال بویورورمن . آرتیق انقراض کونلرکزه یاقین در . بلا کزی بکله بکزه . بزده سزکله برابر باشکزه کله جک فلا کتلی کوزله یوززه .

صالح الشریف التونسی

سیاست شرعیه [۱]

بسم الله الرحمن الرحيم . الحمد لله الذي ارسل رسله بالبینات

بومقاله لر ، سیاست الهیه و اداره نبویه نك بعض دساتیر کلیه سی احتوا ایتکده درکه نهراعی ، نهده رعبه هیچ بر زمان اودستورلردن مستقی اوله ماز . تحریرینه باعث اولان مجبوریت ایسه و لایه امورمنه نصیحتله بورجلی اولمقلغمزدر . علیه الصلوة والسلام افندیز بویورورلرکه : « جناب حق سزدن اوج شیشی بکارکه بونلرده : ذات بارینه عبادت ایدرک هیچ بروجهله کندیسنه شریک قوشامکزه ، هیکزک بردن جبل الهی یه یایشه رق تفرقه یه دوشمه مکزه ، برده و لایه امورکزه نصیحتده بولونمکزدن عبارتدر . »

بومقاله لرده امرا حقدنه نازل اولان آیات کریمه اساس اتخاذا ایدیلشدرکه اونلرده « ان الله یا امرکم ان تؤدوا الامانات الی اهلها و اذا حکمتم بین الناس ان تحکموا بالعدل ان الله نعماً یعظکم به ان الله کان سمیعاً بصیراً . یا ایها الذین آمنوا اطیعوا الله و اطیعوا الرسول واولی الامر

[۱] ائمه علمای اسلامیه دن محقق شهر ابن تیمیه مرحومک بو عنوان ایله تحریر بویوردقلری رساله نك اهمیت محتویاتنه مبنی ترجمه سی و مقاله مقاله سیل الرشد ایله نشری مناسب کورولشدر .
مصرلی
عمر رضا

او جماعتك ایچنده تعیین ایستدیكى آدمدن زیاده عمومك توجهنی قازانمش دیکر بر آدمك بولوندیغی بیلیرسه اللهه ، رسول اللهه و مسلمانلره خیانت ایتمش اولور . « بعضیلرینك روایتنه نظر آ بو سوزی حضرت عمر اوغلنه سولمشدر .

حضرت عمر بویور یورکه : « مصالح مسلمیندن برینه تولى ایدن ذات مودت و یا قرابتدن طولای بر آدمی امور اسلامه تعیین ایدرسه اللهه ، رسول اللهه و مسلمانلره خیانت ایتمش اولور . »

اولی الامر اولان ذاتك علمی ، عسکری ، ملکی ، بوتون وظائف حکومت ایچون اویشلره کیمستحققاری بولوب تعیین ایتمی واجبدر . یوقسه مأموریته طالب اولق ، یاخود طلبده تقدم ایتمش بولونمقدن طولای بر کیمسه مأموریته تعیین ایدیلز . بالعکس بوکی شیلر مأموریتدن محرومی استلزام ایدر .

« صحیحین » ده روایت اولوندیغنه نظر آ برکون علیه الصلاة والسلام افندیملرک حضورینه بعض ذوات کله بر مأموریت ایستلر . فخر عالم افندیملر بویور یورکه : « بز ، امور مزه ، طالب اولانلری تولى ایتمیز . » صوکر ا عبدالرحمن بن سمریه توجیه خطاب ایله : « ای عبدالرحمن ! سن مأموریته طالب اوله . چونکه سن ایسته ممدن و بریلیرسه معاوضته مظهر اولورسك . فقط اکر ایسته یهرك آیرسهك بوتون بوکی اوزرینه آلمش اولورسك . » بویور مشلدر .

اولی الامر اولان ذات « أحق وأصلح » ی بر اقریده قرابتدن ، آرقداشلقدن ، همشهریلکدن ، مذهبداشلقدن ؛ عربلق ، عجمك ، تورکلك کی هرقداشلقدن ؛ بر منفعت مادیه استحصالی کی رشوتدن ؛ احق اولانه کین بسله مکدن و یا خصوصتدن طولای باشقه سنی تعیین ایدرسه اللهه ، رسول اللهه و مسلمانلره خیانت ایتمش و « یا ایها الذین آمنوا لا تخونوا الله و الرسول و تخونوا اماناتکم و اتم تعلمون . » آیت کریمه سنده نهی اولونان خیانتی ارتکاب ایتمش اولور . ینه الله ذوالجلال حضرتلری بویور یورکه : « واعلموا انما اموالکم و اولادکم فتنه وان الله عنده اجر عظیم . » چونکه انسان اولادینی و بنده سنی سودیکندن طولای آ کا بعض مصالح امتی توجیه ، یاخود مستحق اولمدینی شیئی اعطا ایدرسه امانته خیانت ایتمش اولور . كذلك اولادینك ثروتی تزید و محافظه ، یاخود بعض مداهنلره التماس ایچون بویله یایارسه اللهه ، رسول اللهه و امانته خیانت ایتمش اولور . بالعکس احترا - صانه مخالفت ایدرک امانتی برینه کتیره فی الله ثابت قدم ایدر ؛ اهلینه برابر ثروتی محافظه بویورور . فقط احتراصانه زبون اولانی کوزه - تدیکی شیدن محروم براقق صورتیله معذب ایدر ؛ اهلی ذلیل ، ثروتی ده محو ایدر .

بو زمینده شو حکایه نه قدر عبرت بخشدر : خلفای عباسیه دن بری علمادن برذاندن یتشدیکی دورلر حقنده بر مصاحبه ایسته مش . بونک اوزرینه او ذات شو وقعینی حکایه ایلمش :

منکم فان تنازعتم فی شی فرودوه الی الله و الرسول ان کنتم تؤمنون بالله و البوم الاخر ذلك خیر و احسن تأویلاً . آیتلیدر .

علماء کرام دیورلرکه : برنجی آیت امر احقنده شرف نازل اولمشدر . اونلر اماناتی اهلنه تودیع و بین الناس اجرای عدالتنه مکلفدرلر . ایکنجی آیت عسکر ، اهلی و بونلردن ماعداسی حقنده نازل اولمشدرکه بونلرده قسملرنده ، حکملرنده ، غزالرنده و سائر ایملرنده بواماتی اهلنه تودیع و بوعدالتی اجرا ایدن اولی الامر اطاعت ایله مکلفدرلر . انجق ، اللهه عصیان ایله امر ایدرلرسه اطاعت ایتمیه جکلدرر . زیرا « اللهه عصیان خصوصنده هیچ مخلوقه اطاعت اولونه ماز . حدیث شریف » بر مسئله ده اختلاف افکار حادث اولونجه کتاب اللهه و سنت رسول اللهه مراجعت اولنور . شاید و لایه امر بونی یا مازلرسه ، بالکز اللهه اطاعتی مقتضی اولان امرلرینه اطاعت اولونور . چونکه بو اطاعت اللهه و پیغمبرینه اطاعت دیمکدر . بوسورتله اونلرک حقوقی کوزه دیش و جناب حقك « و تعاونوا علی البر و التقوی و لا تعاونوا علی الاثم و العدوان » قول کریمی موجبجه عمل ایدیلش اولور . مادامکه بو آیت کریمه اماناتک اهلنه تودیع و بین الناس عدل ایله حکم اولونمشی ایجاب ایدبور ، او حالده سیاست عادل و ولایت صالح [۲] نک قوامی اولدینی آ کلاشیلیر .

مصالح امتك اهلنه تودیی

اماناتک برینه کتیر یله سنه کنججه بونده ایکی نوع واردر . برنجیسی : ولایت ، یعنی امور اداره درکه آیت کریمه نک سبب نزولی بودر . علیه الصلوة والسلام افندیملر مکینی فتح ایدرک « بی شبهه » دن کعبه نک آناختارلری تسلیم ایدنجه حضرت عباس سقایت و سدانت [۳] وظیفه لرینی نفسنده جمع ایچون او آناختارلرک کندیسنه و بریلسنی استرحام ایددی . اونک اوزرینه جناب حق آناختارلرک بی شیبه به اعاده سی ایچون بو آیت کریمه نی سکوندردی . بنساء علیه اولیای اموره مسلمانلرک بوتون مصالحنده او مصالحی کوره بیلرک مأمورلرک اک ایسنی تعیین ایتمک بروظیفه متحنمه در .

علیه الصلوة والسلام افندیملر بویور یورلرکه : « من ولی من أمر المسلمین شیئا فولی رجلاً و هو یجد من هو اصلح المسلمین منه فقد خان الله و رسوله = مصالح مسلمیندن برینی اضایه مأمور ایدیلن ذات ینه مصالح مسلمینی رؤیت ایچون تعیین ایده جکی دیکر بر ذاتک اصلح و انسب اولسنه اعتنا ایتمسه اللهه و رسول اللهه خیانت ایتمش اولور . » دیکر بر روایتده : « من قلدر رجلاً علی عصابة و هو یجد فی تلك العصابة ارضی منه فقد خان الله و خان رسوله و خان المؤمنین (رواه الحاكم فی صحیحه) = هرکیم بر جماعتک اوزرینه بر آمر تعیین ایدرسه ، حالبوکه

[۲] قوتلی و منتظم اداره .

[۳] سدانت : کعبه معظمه خادمکی . سقایت : حجاجه صوداغتنق .

ورعیه سندن مسئولدر . برکولهده افندیسنک مالنه راعی در ورعیه سندن مسئولدر . هیکزر راعی و هیکزر رعیه کزدن مسئولسکز . « بویورمشلدر . ابومسلم خولانی معاویه بن ابی سفیانک حضورینه تبرمش ، و « السلام علیک ایها الاجیر ! » دیمش . حاضرین : « السلام علیک ایها الامیر ، دی ! » دیمش . ابومسلم ینه : « السلام علیک ایها الاجیر ! » دیمش . ینه اولکی اخطاره معروض قانش . فقط بوسفر معاویه دیمش که :

— ابومسلمی براقیکز . او ، دیدیکنی پک ای بیلیر . . .
بونک اوزرینه ابومسلم معاویه به :

— سن براجیرسک . سنی بوداوارلرک صاحبی آنلری اوتلاتمق ایچون کیرالامش . اکر سن اونک اویوزلرینی ، خسته لرینی تداوی ایدر وخسته لق سرایت ایتمه مک ایچون صاغلاملری برطرفه آییورسه ک سکا افندک اجرتکی ویرر . اکر بویله یا بامازسه ک سنی افندک جزالندیرر . . . دیه جواب ویرمشدر .

خلق ، عبادالله در . اولی الامر ایسه اللهک عبادالله اوزرنده نایب لری در ، دیگر طرفندنده عباداللهک وکیل اموریدرلر ، یعنی هم ولایت ، هم ده وکالت ایله مأموردرلر . صوکر اهرهانیکی برولی و وکیل امور تجاریه سنی اداره ایچون برنائب تعیین ایتدیکی زمان اهلنی واصلحنی آرامازده مالنی دهه فضلہ سنه صاتمق قابل ایکن دهه اوجوز الدن چیقاره جق دیگر بر آدمی تعیین ایدرسه ، خصوصیه اوالتماس ایتدیکی آدم ایله کندیبی آره سنده محبت ، یاخود قرابت بولنورسه طبیی درکه شریکنک مؤاخذه و بفضنه معروض قالیر ، انک حیاته ، اقربا و اوداسنه مداهنک یابدیغه حکم اولنور .

مرحوم ابن تیمیه

مدافعات

دشمنلر بویوندورقلری آلتنده کی مسلمانلری

ناصیل اداره ایدیورلر ؟

یا انجیلر ، ربانلر !

فرانسه حکومتک مرا کشده مقیم نائب سیاسی و فرانسه مدینتک (!) مدافعی جنرال لیوتی (سوق الاربعاء) ده برجم غفیره قارش بر نطق ایراد ایتمشدر . او یله بر نطق که باشند باشه یالان ، باشند باشه ریا ، باشند باشه مسلمانلری اغفال ایله طولو . بویوندورقلری آلتنده یاشایان ملتلی اداره ایچون کک فرانسه لری کک متفق لرینسک یا لانجیلقدن ، ریا کارلقدن باشقه بر سرمایه لری اولمادیغنی دین قارداشلر مزک و بوتون

« عمر بن عبدالعزیزی اولوم دوشکنده ایکن کوردم . بعضیلری — یا امیر المؤمنین ! برسلطان اولدیغک حالده اولادکه ثروت نامنه برشی براقیورسک . زوالیلر ال الهه ، باش باشده قالیورلر ! .. دیدیلر . بونک اوزرینه امیر المؤمنین چوجقلرینی یانسه چاغیرتدی . اوندن فضلہ اولان و ایچلرندن هیچ بریسی بالغ بولونمایان چوجقلری کلدیلر . بونلری کورونجه کوزلری یاشاردی و دیدی که :

— اولادلرم ! اللهه یمین ایدرم که بن سزی نه حق کزدن محروم ایتدم ، نه ده عباداللهک مالنی الندن آلوب سزه براقق ذلتی ارتکاب ایتدم . . . سزله هر حالده یا صالح و یا غیر صالحسکز . برنجی تقدیرده صالحلرک ولیسی اولان الله سزی حمایه ایدر . صالح اولدیغک تقدیرده ایسه فسق و عصیان اوغورنده هدر ایده جککزر بر توتی سزه براقه بی طبیی ایستهم . هایدی کیدیکنز ! . . .

بالآخره کندی کوزمله کوردم : عمر بن عبدالعزیزک اولادندن بعضیلری مجاهدلره یوز آن احسان ایتدی .

خلیفه مسلمین عمر بن عبدالعزیز اقصای شرقده کی تورک دیارندن اقصای مغربده کی دیار اندلس ، قبریس ، سوریه و منتهای یمه قدر حاکم ایدی . بویله ایکن اولادینه براقدینی میراندن هر بریسنک حصه سنه دوشن یکریمی درهم قیمتندن فضلہ دکادی . « ینه عالم مشارالیه دییورکه :

« دیگر بر خلیفه نک اولادلری میراث تقسیم ایدیورلرکن اوراده بولوندم . هر بریسنه آلتی یوز بیک دینار اصابت ایتدی . بالآخره بونلرک ال آچهرق دیله ندیکنی کوردم . »

بویله حکایات ، وقایع ، مشاهدات پک چوقدر و هر بریسنده ارباب عقوله پک بویوک عبرتلر واردر .

علیه الصلوة والسلام افندیمنک سنت سنه لری دلالت ایدیورکه : ولایت بر امانت در ، یوقارده بیان ایتدیکنز اثره تودیبی ایجاب ایدر . حضرت رسول اکرم افندیمن امانت اولدیغنی و حقیقه برینه کتیر یلدیکی تقدیرده صاحبنک یوم قیامتده دوچار ندامت و خسران اوله جغنی ابی ذر رضی الله عنه تبلیغ بویورمشدر . مسلم حضرتلری بویله روایت ایدیور .

صحیح بخاریده ابی هریره دن روایت ایدیلیورکه : علیه الصلوة والسلام افندیمن « امانت برینه کتیر یلرزه قیامت برکله یک ! » بویورمشلر . بونک اوزرینه : « امانت برینه کتیرمه مک نه در ؟ » دیه سورولمش . « مصالح مسلمین نا اهللره توجیه ایدیلیرسه قیامت برکله یک ! » بویورمشلر . مسلمانلر بومعنائی بالاجماع قبول ایتمشلدر .

ولی الامر برچوبان کچی درکه ناس ایله مناسباتی برچوبانک سورو . سیله اولان مناسباتی کچی در . علیه الصلوة والسلام افندیمن : « هیکزر راعیسکز . هر راعی رعیه سندن مسئولدر . امام ، انسانلرک راعیبی در ورعیه سندن مسئولدر . نته کیم برقادین قوجه سنک اونده راعی در